

# HALLO HOOGLAND

14 April 2024

041 367 1485 | info@pehoogland.co.za | www.pehoogland.co.za | 079 815 9325

## ONS IDENTITEIT

Nagmaal @ Hoogland

1 Johannes 3:1-7

14 April, 09:00

## Baie Welkom by vanoggend se Erediens!

Ds Pieter wil graag enige nuwe lidmate of besoekers ontmoet - so kom maak asb. kennis na afloop van die erediens, voor in die kerkgebou!

Nuwe Lidmate, wat nou by Hoogland inskakel, kontak gerus vir Annalize in die kerkkantoor (041 367 1485) sodat ons jou besonderhede kan kry en met jou kontak kan maak.



Ysterman - Sondag, 21 April  
Baie seën aan elke deelnemer en  
ook al die ondersteuners.

Hoogland, ry asseblief bietjie vroeër  
& betyds, aangesien Buffelsfontein  
gesluit sal wees en deel uitmaak  
van die Ysterman fietsry roete.

## Program van die dag

09:00 Oggenddiens: Nagmaal - Ds Pieter Nel  
10:00 GVG Kasteel-bou in die Saal  
16:00 Buffelsfonteindiens: Nagmaal - Ds Pieter



Deurkollekte: MTR Smit

## Algemeen

### Program vir die week:

**Maandag: 15 April**

10:00 Gebedsaksie in die  
Gebedskapel

**Woensdag: 17 April**

08:45 B'fontein Bybelstudie  
10:00 Gemeente Bybelstudie

**Donderdag: 18 April**


19:00 Kerkraadsvergadering

**Vrydag: 19 April**

05:15 Mannebediening

### Dankoffers

Daardeur gaan geloof deur liefde tot  
dade oor.



#### Bankbesonderhede

NG Kerk PE Hoogland  
ABSA  
Rek - 1400 149 980  
Takkode - 632005



Hoogland Gebedsaksie:  
Gebedsversoeke kan vertroulik per  
*WhatsApp* gestuur word na  
079 815 9325. Onthou ook van die  
posbus, net links, van die Gebedskapel  
se deur vir Gebedsversoeke.

**DIS TYD VIR JOLYT!**

**HOGLAND KK<sup>en</sup> K**

**Kos- & Kuierfees 3 Mei vanaf 16:00**

- MET Silwersnare Boere-orke in Kuiertent
- Veiling met goeie items vanaf 17:30
- Plaasstal met ingelegte produkte asook vars groente & vrugte
- Tombolatafel met snuisterye
- Kindervermaak area met Lekkergoedtafel
- Kos : pannekoek / kerrie & rys / boereworsrolle / sosaties /  
tuisgebak / basaar poedings en nog vele meer

**Basaarspan is opsoek na Gazebo's om te leen.**

# Koor, Kos & Kuierfees 2024

Daar is net 3 weke oor om hande te vat en van hierdie jaar se KK&K Fees 'n reuse sukses te maak, daarom is die volgende nodig:

- **Hande** - daar is altyd en oral hande nodig om by die stalletjies te help, selfs tafels reg te skuif of om die saal te versier.
- **Bemaking** - sosiale media is deesdae kragtig so asseblief deel ("*share*") alle pamflette en KK&K nuus ook op jou sosiale media en *WhatsApp status* en nooi vriende, familie en jou bure saam Vrydag, 3 Mei.
- **Bestanddele lysie** - HELP ASSBLIEF! Die Basaarspan benodig werklik nog heelwat bestanddele. Laat bydraes gerus Sondae by Gemeentedienste of kom gee dit by die Kerkkantoor af **voor of op Woensdag, 24 April**.
- **Tuisgebak tafel** - Baksters HELP asseblief - die tuisgebak tafel vra enige groot koeke/yskasterte/kolwyntjies/beskuit/klein koekies of enige tuisgebak.
- **Plaastal** - is opsoek na ingelege plaasprodukte bv. olywe/konfyt/ gebottelde slaai ook gevriesde etes en oulike handwerk items asseblief.
- **Poedingtafel** is altyd op die uitkyk vir 'n verskeidenheid Basaarpoedings - al maak jy net kitspoeding help dit al klaar.
- **Kindervermaak** wil Hoogland se kinders lekker bederf maar vra graag donasies vir pryse bv. "bubbles"/pakke "stickers"/ "slime" /haar knippies/ klein beursies/pakke los lekkers/ens.
- **Lekkergoedtafel** - As jy kreatief is en lekkergoed mooi kan verpak of soetgoed soos bv windmeultjies/toffie appels/motortjies of enige so iets kan maak. Kom meld asseblief aan.
- **Tombola tafel** - vra asseblief vir enige skoon, heel, gebruikte items. Heel speelgoed/ boeke / huishoudelike items / dalk selfs 'n paar motorhuis items is welkom.
- **Veiling** - die veilingspan is opsoek na mooi, meer duursame items om op te veil, ook bv. heel lammers, jagpakket vir diegene wat hou van jag, "*airfryer*", gemaklike kampstoele of enige iets.

**Enige navrae oor skenkings, donasies van bestanddele of aanmeld van hulp gesels gerus met Leon of Annalize.**

## Uit die hart ...



Tydens die afgelope twee weke se voorbereiding, ná Paasfees, lees ek van 'n belewening van Ds Ewald van Rensburg. Hy en sy vrou, Beatrix het een jaar op Goeie Vrydag in Fifth Avenue, New York (die stad wat nooit slaap nie) geloop en hierdie belewenis gehad wat my geraak het. Hy vertel:

“Voor die Rockefeller gebou staan 'n afbeelding van Atlas wat die sware wêreld op sy skouers probeer dra - wat 'n gesukkel!

Oorkant die straat binne in die pragtige Sint Patrick se Katedraal, heel agter, staan daar hierdie uitbeelding van die Jesus-Christus kind. Die kleine Jesus-kind hou die aardbol waarmee Atlas so sukkel, in Sy een Hand vas.

Dit is die beste Goeie Vrydag 'preek' wat ek al ooit in my lewe beleef het. Dit wat ons neerdruk, speel Jesus mee klaar op Goeie Vrydag & Paassondag. Ons is bevry deur Jesus om God, medemens, jouself en Sy aarde lief te hê, so sal jy en ek ontdek Jesus speel in tien duisend plekke!”

Wanneer Jesus jou en my Here is, ons Christus is, is God ons Vader. Dan probeer ons nie meer die wêreld, en ons eie klein wêreldjies, op ons skouers dra nie. Hy bly in ons... en ons in Hom.

Ligloop!

**Groete ... ds Pieter**